


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-27	An-Naml	93	7	Makkiyyah	Ke-48	8





### **Zaman Diturunkan**

Surah an-Naml diturunkan selepas Surah as-Syu'ara' di peringkat ketiga kehidupan Rasulullah s.a.w. berada di Mekah, iaitu antara tahun ke-6 hingga ke-10 Kenabian. Ketika itu Rasulullah s.a.w. selain diragui, dituduh sebagai tukang sihir. Ketika itu juga pemimpin-pemimpin Quraisy yang menyembah berhala di Mekah dinasihati supaya mengambil i'tibar daripada raja perempuan kerajaan Saba' di Yaman yang telah memeluk Islam sedangkan sebelum itu dia termasuk di kalangan orang-orang yang menyembah matahari.

### **Perkaitan Di Antara Surah an-Naml Dengan Surah Sebelum Dan Selepasnya**

1. Di dalam Surah as-Syu'ara' manusia dinasihati supaya mengambil i'tibar daripada sikap-sikap negatif bangsa-bangsa yang telah dibinasakan, sikap mereka ialah menolak seruan kepada kebenaran dan mendustakannya. Di dalam Surah an-Naml ini pula diberikan gambaran sebaliknya, manusia dinasihati mengambil sikap positif terhadap seruan agama yang benar seperti sikap yang telah diambil oleh raja perempuan Yaman yang telah menerima baik seruan Islam. Kerananya, dia telah berjaya di dunia dan di akhirat.
2. Di dalam Surah as-Syu'ara', sifat Allah عَزِيزٌ dan رَحِيمٌ dikemukakan beberapa kali untuk membuktikan kebenaran tauhid, kekuasaan dan tauhid sifat. Di dalam Surah an-Naml ini pula tauhid uluhiyyah dan haakimiyyah dikemukakan dalam bentuk soalan, **ءَالِهَةٌ مَعَ اللَّهِ** (Adakah tuhan lain yang layak disembah bersama Allah?).

### **Beberapa Kata Kunci Dan Tema Utama Surah**

1. Di dalam surah ini terdapat ayat tarji', ia diulangi sebanyak lima kali.

Untuk menolak aqidah syirik, **ءَالِهَةٌ مَعَ اللَّهِ** dikemukakan sebagai soalan sebanyak lima kali, perkataan ilaah digunakan disini dengan erti tuhan yang disembah dengan sebenar-benarnya dan tuhan yang berkuasa, berkehendak dan Maha perkasa.

Di dalam ayat ke-60, setelah dikemukakan dalil kekuasaan Allah melalui penciptaan langit dan bumi, menurunkan hujan, lalu menumbuhkan tanaman-tanaman, manusia disoal **ءَالِهَةٌ مَعَ اللَّهِ** (Ayat: 60).

Di dalam ayat ke-61, setelah dikemukakan dalil Allah sebagai tuhan yang menciptakan bumi dan mengadakan bukit-bukau dan sungai-sungai di atasnya, manusia disoal **ءَالِهَةٌ مَعَ اللَّهِ**.

Di dalam ayat seterusnya manusia diminta merenungi dirinya sendiri, dikatakan Allah mendengar seruan orang yang gelisah dan terdesak lalu menghilangkannya. Manusia dijadikan sebagai khalifah, lalu kenapa Allah disekutukan dengan tuhan-tuhan yang lain? **ءَالِهَةٌ مَعَ اللَّهِ** (Ayat: 62).

Di dalam ayat seterusnya dikemukakan dalil kekuasaan Allah bahawa Dia dapat menunjuk jalan



walaupun pada waktu gelap gelita, Allah juga berkuasa melepaskan angin, setelah itu kenapa masih ada yang memilih aqidah syirik? ءَالِهَةٌ مَعَ اللَّهِ (Ayat: 63).

Akhir sekali di dalam ayat ke-5 dikatakan bahawa Allahlah yang memulakan kejadian manusia dan akan mengulanginya kembali, Dialah yang memberi rezeki kepada manusia, lalu kenapa manusia masih melakukan syirik terhadap Allah dengan mempercayai مَنْ دُونِ اللَّهِ juga mempunyai sifat uluhiyyah (ketuhanan), kuasa, kehendak, rububiyyah dan haakimiyyah? ءَالِهَةٌ مَعَ اللَّهِ (Ayat: 64).

2. Di dalam Surah an-Naml, perkataan عَرَش (takhta atau singgahsana) diulangi sebanyak empat kali.

(a) Raja perempuan Saba' mempunyai singgahsana (Ayat: 23).

وَلَهَا عَرْشٌ عَظِيمٌ ﴿٢٣﴾

(b) Allah pencipta alam semesta dan pengatur serta pentadbir alam semesta juga mempunyai عَرَش. Allah yang tiada tuhan lain yang layak disembah selainNya juga mempunyai عَرَش yang agung (Ayat: 26).

اللَّهُ لَا إِلَهَ إِلَّا هُوَ رَبُّ الْعَرْشِ الْعَظِيمِ ﴿٢٦﴾

3. Perkataan عُلُو (menguasai atau mengatasi) tersebut dua kali di dalam Surah an-Naml.

(a) Nabi Sulaiman telah menulis surat kepada raja perempuan Yaman, di dalamnya tertulis: “Bahawa janganlah kamu meninggikan diri kepadaku dan datanglah kamu kepadaku dengan menyerah diri (beriman dan mematuhi ajaran agama Allah).” Ini adalah salah satu contoh seruan Islam diberikan kepada pihak berkuasa negara. (Ayat: 31).

أَلَّا تَعْلُوا عَلَيَّ وَأُتُونِي مُسْلِمِينَ ﴿٣١﴾

(b) Pendokong-pendokong Fir'aun mengingkari dan menolak seruan Nabi Musa untuk bertindak zalim dan menguasai orang lain semata-mata (Ayat: 14).

وَجَحَدُوا بِهَا وَاسْتَيْقَنَتْهَا أَنْفُسُهُمْ ظُلْمًا وَعُلُوًّا

4. Di dalam surah ini disebutkan juga kezaliman kaum Tsamud dan kaum Fir'aun.

(a) Kaum Fir'aun yang jahat telah menolak ayat-ayat Allah kerana kezaliman dan kesombongan mereka sedangkan hati-hati mereka telah pun berpuas hati dengan kebenaran ajaran Islam (Ayat: 14).

وَجَحَدُوا بِهَا وَاسْتَيْقَنَتْهَا أَنْفُسُهُمْ ظُلْمًا وَعُلُوًّا

(b) Kaum Tsamud juga satu kaum yang zalim, kerana kezaliman merekalah negeri mereka dimusnahkan (Ayat: 52).

فَتِلْكَ بُيُوتُهُمْ خَاوِيَةٌ بِمَا ظَلَمُوا



5. Di dalam surah ini juga tersebut kerosakan yang ditimbulkan oleh 9 orang ketua kaum Tsamud dan kerosakan Fir'aun.

(a) Fir'aun dan bala tenteranya adalah perosak, manusia diminta mengambil pengajaran daripada akibat buruk yang diterima mereka (Ayat: 14).

فَانْظُرْ كَيْفَ كَانَ عَاقِبَةُ الْمُفْسِدِينَ ﴿١٤﴾

(b) 9 orang ketua kaum Tsamud juga perosak, mereka langsung tidak mempunyai jiwa untuk melakukan kebaikan (Ayat: 48).

وَكَانَ فِي الْمَدِينَةِ تِسْعَةُ رَهْطٍ يُفْسِدُونَ فِي الْأَرْضِ وَلَا يُصْلِحُونَ ﴿٤٨﴾

6. Untuk memperkenalkan al-Qur'an, beberapa perkara di bawah ini dikemukakan.

(a) Al-Qur'an adalah kitab yang terang (Ayat: 1).

طَسَّ تِلْكَ آيَاتِ الْفُرْقَانِ وَكِتَابٍ مُبِينٍ ﴿١﴾

(b) Al-Qur'an diturunkan kepada Muhammad oleh tuhan yang Maha bijaksana dan Maha mengetahui (Ayat: 6).

وَإِنَّكَ لَتَلَقَّى الْفُرْقَانَ مِنْ لَدُنْ حَكِيمٍ عَلِيمٍ ﴿٦﴾

(c) Al-Qur'an menjelaskan secara terbuka dan dengan tepat segala persoalan yang dipertikaikan di kalangan Bani Israil (Ayat: 76).

إِنَّ هَذَا الْقُرْآنَ يَفُضُّ عَلَى بَنِي إِسْرَءِيلَ أَكْثَرَ الَّذِي هُمْ فِيهِ يَخْتَلِفُونَ ﴿٧٦﴾

(d) Allah jua yang layak dipuji dan layak disyukuri, Dia akan mengemukakan segera beberapa tanda kebenarannya sehingga akan diketahui oleh orang-orang musyrikin Mekah (Ayat: 93).

وَقُلِ الْحَمْدُ لِلَّهِ سَيُرِيكُمْ آيَاتِهِ فَتَعْرِفُونَهَا

7. Empat perkara perlu direnungi berhubung dengan Islam di dalam Surah an-Naml.

(a) Nabi Sulaiman telah menggertak raja perempuan Saba' dan penduduk Saba' dengan mengatakan: "Janganlah kamu meninggikan diri kepadaku dan datanglah kamu kepadaku dengan menyerah diri (beriman dan mematuhi ajaran agama Allah)." (Ayat: 31).

أَلَّا تَعْلَمُوا عَلَيَّ وَأَتُونِي مُسْلِمِينَ ﴿٣١﴾

(b) Raja perempuan Saba' kemudiannya memeluk agama Islam dan tunduk bersama Sulaiman kepada Allah, tuhan semesta alam (Ayat: 44).

وَأَسْلَمْتُ مَعَ سُلَيْمَانَ لِلَّهِ رَبِّ الْعَالَمِينَ ﴿٨٠﴾

(c) Orang-orang yang mendengar dengan memberikan sepenuh perhatian kepada ayat-ayat Allah-lah yang menjadi orang-orang Islam (Ayat: 81).

إِنْ تَسْمِعُ إِلَّا مَنْ يُؤْمِنُ بِآيَاتِنَا فَهُمْ مُسْلِمُونَ ﴿٨١﴾

(d) Rasulullah s.a.w. diperintah supaya mengisytiharkan bahawa aku diperintah supaya menjadi orang-orang Islam (Ayat: 91).

وَأْمُرْتُ أَنْ أَكُونَ مِنَ الْمُسْلِمِينَ ﴿٩١﴾